


潞安府志



順治路安府志

洪亮除明刊濬州外順治十二年之老為最
古順流十二年時明祚猶未斬叔山名之
體之弘法勿為明代系終梅為明事亦
無不合近來有老檢缺即乾嘉刊亦已
稀大知明本乎足珍也

嚴廣生人自謝

潞安府誌叙



潞安古黎國歷代更建或
爲郡或爲州制靡一已至
明嘉靖始定今稱爲潞安
府轄長襄長子屯壺黎潞

叙



一

等縣後復置平順規勢營
郭使司牧之則道里均而
控制便雖攷輿圖者謂今
與昔異而扼吭捭背以壯
城藩則上黨巖七稱輿區

焉

國朝鼎建規摹悉繇明舊其
間因革盛衰之故備載諸
誌者自萬曆壬子編輯歷
今五十載時移代嬗迭經

叙

二

變革而誌尙仍舊文慮無
以脩觀覽存勸誠也郡守
楊公駿毅然自任謀所以
修之乃諏諸縉紳先生博
采又說摭據佚文裒舊益

熟是營是度蓋兩浹歲而
書乃成時則纂緝者秀源
周公裁成者五雲李先生
也而孝廉程鮑兩君郡授
馬君共襄厥事凡自星野

叙

三

輿圖祠祀食貨兵衛毗俗
賦役物產與夫宰吏名宦
忠孝節義碩德藝文伎術
之類靡不畢載而文理條
貫不蔓不略且三載爲郡

信史矣庚子夏余承乏攝篆冀南晉謁五雲先生因出其書以示命余序於簡端余以爲

國家畫畫分野所以牧養元

叙

四

元也蓋惟民乂而後政成使野之不經何以體國是以古者輶軒之使出採民風稽市賈以聞於上而外史掌邦國誌書備考攷覽

凡其風俗之貞淫人材之
虛實戶口之登耗賦稅之
盈虧咸得省繹相爲補苴
則誌書攸繫蓋甚重也苟
非有誌則文獻鮮徵而欲

叙

五

更化善俗者於何考之乎
且上黨一路夙號雄鎮太
行控天下之脊俯瞰中州
肘臂河東太原則所爲晉
國咽喉也但其地多山土

瘠產薄民俗樸淳業務農
賈而士女競慕節義礪行
如飴者所在都有余故嘗
謂上黨之民猶有古風存
焉御得其道則家可以絃

叙

六

戶可以封也匪然而千里
一片石以茲磽确處彼椎
鹵獨非守土者之憂乎是
書上下千百年之事而犁
然睹記昔何以廢今何以

興昔何以盈今何以歎衡
覽於斯當必有道然以得
者爲

家奠寧股肱永作礪翼將
于是攸賴已則諸公共成

叙

七

是書豈非經國遠猷哉若
乃文恥乎詳事恥乎核獨
秉史裁恥鎔群議惟我五
雲先生實以筆削爲己任
而郡守楊公審覽政體知

所重而亟謀之可謂能不
負斯土也故敬書之俾後
之觀省者知脩誌之意厥
有攸重而不僅文采爾雅
如研都練京侈張美盛焉

叙

可矣

告

順治庚子歲仲夏吉旦

山西等處提刑按察使司
提調學政僉事錢受祺謹

重刊潞安府志敘

嘗讀國史而知前代之所以興與所以亾也輒令人悲歌感慨而不能自己郡志亦然事惟其備義取其

敘一

實缺焉而不詳則湮沒遺譏矣考焉而無據則塗飾不倫矣將何以彰往察來垂爲不朽之典章哉乙未冬余自水曹出守上黨入

其疆見山河四塞古形勝
之國也觀其俗士敦詩說
禮百姓好賈力農嫗女勤
紡織而尚廉耻古陶唐氏
之遺猶有存焉余旣樂其

敘二

二

風俗之淳而吏民亦相與
安余之拙也爰是政治之
暇讀書懷古而於舊志爲
之三復而留連焉稽舊志
斷自前朝萬曆壬子迄今

閱五十年運遭陽九時值
鼎新兵革頻仍災祲迭見
建置固多變更政事亦復
改革豈無志士仁人豐功
懋德光日月而堪垂竹帛

敘三

三

者乎孝子節婦苦心烈行
泣鬼神而應登史冊者乎
而且田地有荒蕪戶口有
逃亡糧餉之蠲免物產之
凋耗今甯之不補及也遠

甚何可無以志之余於是
以修志爲已任謀諸紳士
衆議僉同廼懇秀源周先
生爲草創繪先李先生爲
裁定其較閱則程鮑兩孝

廉其採訪則郡庠馬廣文
凡途謠巷議裨官野史斷
簡殘編荒碑遺碣罔不蒐
羅而又審時度勢揆情察
理非確乎可據是以昭勸

懲而垂示後昆者無所容
其冒濫也亦旣明備有體
典則可式余復從而攷究
訂正之裁浮闕謬存信闕
疑非敢自行胸臆變亂舊

章蓋曰文獻實錄寧嚴毋
寬折衷以求歸乎至當庶
幾弗蔓弗紊弗譎弗慚而
與國史並傳不朽也哉嗚
呼後之視今亦猶今之視

昔守土者觀斯志知山國
與澤國異地也治古與治
今異時也理繁與理簡異
術也圖治於未危弭亂以
求安異道也取其善以法

之取其弊以釐之脩之於
身齊之於民使家不異政
國不殊俗回淳古之風而
成熙皞之治寧僅紀載之
陳編已耶刊成余不揣在

借擬俚言馬弁簡端

皆

順治己亥冬月之吉

曲安楊駿書於委蛇軒



敬七

七